

OFISI YA RAIS - TAMISEMI
HALMASHAURI YA WILAYA KILOLO



SHULE YA SEKONDARI ILULA
S.L.P. 29,
MAZOMBE.
IRINGA.

Tarehe: 11/12/2020

KUMB. NA. ILUSS/KIL/IRA/JOIN/2021

MZAZI/MLEZI WA MWANAFUNZI.....

YAH: MAAGIZO YA KUJIUNGA NA KIDATO CHA KWANZA KATIKA SHULE YA SEKONDARI ILULA MWAKA 2021

Ninafurahi kukutaarifu kuwa mwanao amechaguliwa kujiunga na kidato cha kwanza katika Shule ya Sekondari Ilula kwa mwaka 2021. Anatakiwa kuripoti shuleni siku ya **Jumatatu tarehe 11/01/2021 saa moja kamili asubuhi akiwa na mzazi/mlezi wake.**

1. MAMBO MUHIMU YA KUZINGATIA

Serikali inagharamia elimu hivyo mwanafunzi atasoma bila mzazi kulipa ada wala michango ya fedha shuleni, aidha wajibu wa mzazi ni kununua sare za shule, Vifaa vya kujifunzia kama madaftari, karamu, kugharamia chakula kwa wanafunzi wa kutwa na matibabu.

SARE YE SHULE

A. WAVULANA

- a) Suruali mbili (02) za rangi ya kijani kibichi zenye marinda mawili kila upande. Suruali **isiwe** ya kubana chini na juu
- b) Shati mbili (2) rangi nyeupe tetron za mikono mifupi.
- c) Viatu vyeusi vya kamba jozi mbili (02) (vyenye visigino vifupi)
- d) Sweta zenye rangi ya kijani jeshi (02)
- e) Soksi nyeupe jozi mbili (02)
- f) Raba jozi moja (1) kwa ajili ya michezo

B.WASICHANA

- a) Shati mbili (2) tetroni rangi nyeupe ya mikono mifupi
- b) Sketi mbili za kijani kibichi lina box, marinda nane, manne mbele na manne nyuma. Sketi iwe **ndefu** kuvuka magoti
- c) Viatu vyeusi vya kamba jozi mbili (2) vyenye visigino vifupi
- d) Sweta zenye rangi ya kijani jeshi mbili (02)
- e) Raba jozi moja (1) kwa ajili ya michezo
- f) Soksi nyeupe jozi mbili (2)

KWA WASICHANA WA KIISLAM

- g) Suruali jozi mbili (02) rangi ya kijani kibichi isiyo bana
- h) Hijabu nyeupe mbili (02)
- i) Shati za tetroni nyeupe nusu kanzu mbili (02) zenye mikono mirefu, ziwe pana na **zisizoangaza**.

MAHITAJI BINAFSI YA MWANAFUNZI


Mwanafunzi anapokuja kuanza kidato cha kwanza aje na mahitaji yafuatayo atakayotumia darasani.

- i. Daftari kubwa 10 (counter book, 2 quire)) kwa kuanzia.
- ii. Rula, peseli na karamu za wino za kutosha.
- iii. Mkebe (Mathematical set) 01
- iv. Kamusi (Dictionary) ya Kiingereza moja (01)
- v. Bunda moja la karatasi (ream A4) 01

NB: FOMU/ VITU MUHIMU ANAVYOTAKIWA KUJA NAVYO WAKATI WA KURIPOTI NI:

- FOMU YA AFYA (medical examination form)
- KIVULI CHA CHETI CHA KUZALIWA (COPY).

Nakutakia maandalizi mema,



SHADRACK P. MBILINYI
MKUU WA SHULE

MKUU WA SHULE
SHULE YA SEKONDARI ILULA
S. L. P. 29, MAZOMBE - IRINGA

SHERIA NA KANUNI ZA SHULE

Shule hii inaendeshwa kwa mujibu wa sheria ya Elimu na.25 ya mwaka 1978 na inazingatia miongozo yote inayotolewa na wizara ya Elimu na Mafunzo ya ufundi, pamoja na Ofisi ya Rais - TAMISEMI. Unatakiwa kuzingatia mambo muhimu yafuatayo:

- a) Mahudhurio
 - Kuthamini muda wa kuwepo mahali unapotakiwa kwa mujibu wa ratiba au maelekezo kutoka uongozi wa shule.
 - i. Kuwahi kufika shuleni na kuwa mstarini saa 12.30 (saa kumi na mbili na nusu) asubuhi kila siku za masomo
 - ii. Kuhudhuria shuleni kwa muda wote wa masomo kwa siku zote
 - iii. Kuhudhuria kazi zote za mikono
 - iv. Kuhudhuria mikutano ya shule mfano Baraza la shule, Ukaguzi wa usafi, kupandisha Bendera ya Taifa, Maandamano, vikao vya Madarasa, Masomo ya Dini n.k.
 - v. Kuitika miito ya dharura mara moja
- b) Kuwathamini na kuwaheshimu wanafunzi wenzake wote wakubwa kwa wadogo
- c) Kusimama na kusalimu Mwalimu au mtu yeyote anayekuzidi umri anapopita au kuingia mahali ulipo na kupokea mizigo ni lazima
- d) Ni wajibu wako mwanafunzi Kuzingatia ratiba ya shule wakati wote, kutii kengele na Kuwahi kila mahali utakapohitajiwa na kwa wakati.
- e) Kutumia lugha nzuri wakati wote unapokuwa shuleni na hata nyumbani
- f) Kuthamini na kuheshimu kazi za aina zote
- g) Kushirikiana na kusaidiana na wanafunzi wengine katika kazi
- h) Kuitika wito mara moja kukimbilia aliko anayekuita
- i) Kuheshimu bendera ya Taifa, Picha za viongozi wa vyama, serikali na Nembo ya Taifa, Wimbo wa Taifa, wimbo wa shule na fedha za Taifa
- j) Kuheshimu vikao, Ofisi za shule mali binafsi na za umma
- k) Kukaa kimya darasani na mahala pengine popote penye mkusanyiko.
- l) Kutoka nje kwa ruhusa ya mwalimu au kiongozi wa darasa
- m) Huruhusiwi kutumia madawa ya kulevya kama pombe au sigala ndani na nje ya shule
- n) Kuwa mfano mzuri wa kuigwa (kitabia) uwapo ndani na nje ya shule
- o) Si ruhusa kugombana, au kutukana, au kupigana
- p) Huruhusiwi kushiriki uasherati (uzinzi), Wizi na utapeli
- q) Huruhusiwi kutoka nje ya mipaka ya shule bila kibali maalum baada ya kufika shuleni. Kibali maalumu cha ruhusa kitatolewa na mwalimu wa zamu au mwalimu wa Darasa au mwalimu wa malezi.
- r) Usitembelee maeneo yafuatayo bila ruhusa toka kwa mwalimu
 - i. Ofisi za shule
 - ii. Maabara
 - iii. Nyumba za wafanyakazi/walimu

- s) Hurusiwi kabisa kutembelea maeneo yafuatayo ukiwa ni mwanafunzi ama ikiwa ni mida ya darasani au ukiwa nyumbani siku za wikiendi.
- i. Vilabu vya pombe au bar
 - ii. Majumba ya kufikia wageni
 - iii. Majumba ya starehe kama vile majumba ya disco au klabu.
 - iv. Nyumba za kuoneshea mpira au kucheza michezo ya video
 - v. Sehemu wanazokodisha mikanda ya video.

UTARATIBU WA UVAAJI SARE YA SHULE

- i. Unapaswa kuwa na sare ya shule zinazokubalika na kwa wakati kama utakavyopangiwa kwa:
 - a) Wakati wa masomo
 - b) Safari za nje ya shule kwa jina la shule
 - c) Wakati wa maandamano
 - d) Kuwa na Nguo za Michezo na vazi la kazi za mikono
- ii. Ni marufuku mwanafunzi kuvaa viatu vyenye kisigino kirefu, soli ndefu au pana wala kiatu kilichochongoka mbele, mkanda usio mweusi, mkanda wa nguo/kitambaa, mapambo mengine kama heleni, mikufu, bangili hayaruhusiwi.. Pia ni **marufuku kufuga rasta, nywele ndefu, ndevu, kupaka kucha rangi, kupaka wanja, kupaka piko, kujichubua, kunyoa kipara au kiduku.** Atakayepatikana na makosa haya atarudishwa nyumbani na kumwita mzazi ama kufukuzwa shule kabisa.

MAKOSA YANAYOWEZA KUSABABISHA MWANAFUNZI KUFUKUZWA SHULE:

- a) Wizi
- b) Utoro
- c) Ulevi wa aina yeyote
- d) Uvutaji au uuzaji wa bangi au sigara
- e) Kosa la jinai
- f) Kuharibu kwa makusudi mali ya umma
- g) Kuoja au kuolewa
- h) Kupata au kusababisha mimba.
- i) Kutoa au kushawishi kutoa mimba.
- j) Kugoma, kuchochea au kusababisha mgomo
- k) Uzinzi, Ushoga, usagaji, na ubakaji au ulawiti
- l) Kupiga au kupigana
- m) Kudharau Bendera, Nembo, fedha, Wimbo na Viongozi wa kitaifa
- n) Kumiliki simu ya Mkononi
- o) Makosa mengine yafananayo na hayo hapo juu.

WAGONJWA

Mwanafunzi atakapougua atapata kibali cha kwenda kutibiwa kutoka kwa Mwalimu wa zamu au Mwalimu wa darasa au mwalimu mlezi. Shule haitoi huduma za afya, hivyo mzazi atawajibika kutoa gharama za matibabu za mwanae pindi atakapougua.

USAFI.

Utawajibika kushughulikia

- i. Usafi wako binafsi (Mwili na mavazi)
- ii. Usafi wa maeneo ya shule utakayopangiwa na mwalimu wa zamu au kiranja

UTORO

Mwanafunzi ambaye hatahudhuria shuleni bila taarifa atahesabiwa kuwa ni mtoro. Taarifa ya kutohudhuria shuleni iwasilishwe shuleni siku hiyo ya matatizo kwa Mwalimu wa zamu au Mwalimu wa darasa.

MWISHO

Tafadhari hakikisha umesoma kwa makini na kuzielewa sheria zilizoainishwa hapo juu ili uweze kuishi kwa furaha na amani shuleni hapa

THE UNITED REPUBLIC OF TANZANIA
MINISTRY OF EDUCATION AND VOCATIONAL TRAINING
ILULA SECONDARY SCHOOL

MEDICAL EXAMINATION FORM

(To be completed by a medical officer in respect of all form I on students)

Student's full name.....

Age Year Sex

** Blood count (Read and white).....

** Stool Examination.....

** Syphilis and other venereal Diseases
Test.....

** T.B.

** Eye Test.....

** Ears

** Spleen.....

** Abdomen

** Urine for protein test.....

** Test of pregnancy (For girls only).....

Additional information (If any) e.g. physical defects impairment Infections chronic or family diseases etc

.....
.....
.....

I certify that the above is fit /unfit to pursue his/her lessons /duties as required.

Station Signature.....

Date..... Designation.....

Note: medical officer

At the time of examination please treat the individual for anything you note for pupils /employee. This completed form should be sent to the school with your acceptance form brought when you come to school. No student can be enrolled without this certification.